

Adroddiad i'r:	Pwyllgor Archwilio Partneriaethau
Dyddiad y Cyfarfod:	6 Chwefror 2014
Aelod / Swyddog Arweiniol:	Yr Arweinydd Pennaeth Cynllunio Busnes a Pherfformiad
Awdur yr Adroddiad:	Swyddog Perfformiad a Chynllunio
Teitl:	Y Cynllun MAWR – Y Diweddaraf am Berfformiad

1. Am beth mae'r adroddiad yn sôn?

- 1.1 Pwrpas yr adroddiad hwn yw rhoi'r newyddion diweddaraf i'r Pwyllgor Archwilio Partneriaethau am berfformiad y Bwrdd Gwasanaethau Lleol a'i bartneriaid wrth gyflawni'r Cynllun Mawr: Rhan I, 2011-14. Mae'r adroddiad hwn yn rhoi 'Adroddiad Eithriadau Cryno', a gefnogir gan benodau manylach ar gyfer pob un o wyth o ganlyniadau'r Cynllun Mawr.

2. Beth yw'r rheswm dros lunio'r adroddiad?

- 2.1 Darparu gwybodaeth a gofyn am farn yr aelodau ynghylch cyflawniad y Cynllun Mawr.

3. Beth yw'r Argymhellion?

- 3.1 Bod y Pwyllgor yn ystyried cynnwys yr adroddiad ac yn cynnig sylwadau'n unol â'i bwerau i fonitro cyflawniad y Cynllun a'i ganlyniadau.

4. Manylion yr adroddiad.

- 4.1 Cynllun MAWR Sir Ddinbych: 2011-14 yw'r cynllun sy'n ysgogi gwaith Partneriaeth yn Sir Ddinbych. Mae'r Cynllun MAWR yn cael ei gyflawni ar y cyd gan asiantaethau partner. Y Bwrdd Gwasanaethau Lleol sy'n atebol am y Cynllun MAWR, ac mae'n dal asiantaethau partner (gan gynnwys Bwrdd Iechyd Prifysgol Betsi Cadwaladr (BIPBC), y trydydd sector, Heddlu GC, Gwasanaeth Tân ac Achub GC, Iechyd Cyhoeddus Cymru, Cyngor Sir Ddinbych) yn gyfrifol am roi cynlluniau gweithredu ar waith er mwyn cyflawni'r Cynllun MAWR a'i wyth canlyniad.¹
- 4.2 Dyma grynodedb o'r sefyllfa ar gyfer pob canlyniad yn y Cynllun MAWR (ar sail ystyriaeth o'r dangosyddion, y mesurau perfformiad a'r gweithgarwch gwella ar gyfer pob canlyniad):

¹Sylwch nad yw'r rhestr hon yn hollgynhwysol.

Rhif	Teitl	Dangosydd
CANLYNIAD 1	Pobl hŷn yn byw bywyd annibynnol a boddhaus.	Da
CANLYNIAD 2	Pobl a lleoedd yn y Rhyl yn elwa ar weithgarwch adfywio.	Derbyniol
CANLYNIAD 3	Plant a phobl ifanc yn Sir Ddinbych yn cael cymorth i fyw'n rhydd rhag tlodi, lle gallant fod yn annibynnol a ffynnu.	Da
CANLYNIAD 4	Teuluoedd sy'n agored i niwed yn Sir Ddinbych yn cael cymorth i fyw'n rhydd rhag tlodi, lle gallant fod yn annibynnol a ffynnu.	Derbyniol
CANLYNIAD 5	Cydnabod a diwallu anghenion ein cymunedau lleol	Da
CANLYNIAD 6	Pobl yn Sir Ddinbych â ffordd o fyw sy'n iach.	Da
CANLYNIAD 7	Mae plant, pobl ifanc ac oedolion sy'n agored i niwed yn Sir Ddinbych yn ddiogel.	Rhagorol
CANLYNIAD 8	Mae gan Sir Ddinbych economi ffyniannus a chynaliadwy a gweithlu medrus.	Da

- 4.3 Mae'r adroddiad manwl a atodir yn rhoi gwybodaeth am eithriadau ar gyfer pob canlyniad, yn ogystal â gwybodaeth am yr hyn sy'n llwyddo. Mae hefyd yn cyfeirio at fylchau mewn gwybodaeth ac yn nodi lle gallai'r bylchau hyn gyfyngu ar werthusiad cyffredinol o'r canlyniadau. Bydd mwy o waith yn cael ei gyflawni drwy'r haf fel bo modd cyhoeddi adroddiad terfynol. Bryd hynny, ceir mwy o waith ymholi er mwyn canfod pa wahaniaeth a gafwyd yn sgil cyflawni'r Cynllun MAWR.
- 4.4 Mae gwaith sylweddol eisoes ar y gweill er mwyn darparu gwybodaeth i ddatblygu'r Cynllun Mawr: Rhan II, a fydd yn dechrau ym mis Medi 2014. Mae heriau wrth adrodd ar y Cynllun MAWR: Rhan 1 wedi dylanwadu ar ein ffordd o feddwl wrth ddatblygu'r Cynllun MAWR: Rhan II. Bydd llai o themâu'n cael eu nodi yn y Cynllun hwnnw, a bydd mwy o bwyslais parhaus yn cael ei roi ar effaith gweithgareddau partneriaeth ar ganlyniadau, mewn amgylchedd lle mae adnoddau'n fwyfwy prin.
- 5. Sut mae'r penderfyniad yn cyfrannu at y Blaenoriaethau Corfforaethol?**
- 5.1 Mae'r Cynllun Corfforaethol yn gyson â'r Cynllun MAWR; ceir synergedd rhwng y saith blaenoriaeth corfforaethol a'r wyth canlyniad yn Y Cynllun MAWR.

6. Beth fydd yn ei gostio, a sut y bydd yn effeithio ar wasanaethau eraill?

6.1 Mae'r Bwrdd Gwasanaethau Lleol yn atebol am Y Cynllun MAWR, ac fe geir Bwrdd Partneriaeth Strategol sy'n gyfrifol am gyflawni'r cynllun yn Sir Ddinbych. Ariennir gweithgarwch Y Cynllun MAWR gan sefydliadau partner yn Sir Ddinbych (y sector cyhoeddus), oddi mewn i gyllidebau presennol/craidd a thrwy gomisiynu call.

7. Beth yw prif gasgliadau'r Asesiad Effaith Cydraddoldeb a gynhaliwyd ar gyfer y penderfyniad?

7.1 Cafodd asesiad anghenion cydraddoldeb ei gynnal wrth ddatblygu'r Cynllun MAWR: Rhan I

8. Pa ymgynghoriadau a gynhaliwyd?

8.1 Bydd byrddau partneriaeth a phartneriaid yn rheoli ac yn adrodd ar berfformiad yn rheolaidd.

8.3 Datblygwyd Y Cynllun MAWR yn dilyn trefniadau ymgysylltu ac ymgynghori manwl a chadarn

9. Datganiad y Prif Swyddog Cyllid

9.1 Er nad oes i'r adroddiad hwn unrhyw oblygiadau ariannol uniongyrchol, mae'r Cynllun MAWR yn ddogfen strategol bwysig sy'n sail i ansawdd darpariaeth gwasanaeth mewn sawl maes. Mae'n bosibl y ceir goblygiadau i gyllid y Cyngor yn y dyfodol yn sgil unrhyw broblemau gyda pherfformiad.

10. Pa risgiau sy'n bodoli ac a oes unrhyw beth y gallwn ei wneud i'w lleihau?

10.1 Gallai ailstrwythuro oddi mewn i asiantaethau partner beryglu'r 'berchnogaeth' ar gamau gweithredu yn Y Cynllun MAWR, gan olygu bod momentwm yn cael ei gollu o ran cyflawni, ac anawsterau wrth gael adroddiadau ar berfformiad.

11. Pŵer i wneud y Penderfyniad

11.1 Erthyglau 6.3.2 a 6.3.4(b) yng Nghyfansoddiad y Cyngor.

Swyddog Cyswllt:

Rheolwr Partneriaethau a Chymunedau,
Ffôn: 01824 706291